

索引



(注：每章上所列之(一)、(二)、(三)等數字係代表論語原書之章次。)

學而第一 凡十六章 錄十章

- (一) 子曰：「學而時習之，不亦說乎？有朋自遠方來，不亦樂乎？人不知而不愠，不亦君子乎？」(論學·十八)
- (二) 有子曰：「其為人也孝弟，而好犯上者，鮮矣！不好犯上，而好作亂者，未之有也。君子務本，本立而道生。孝弟也者，其為仁之本與？」(論仁·十七)
- (三) 子曰：「巧言，令色，鮮矣仁。」(論仁·一)
- (四) 曾子曰：「吾日三省吾身：為人謀而不忠乎？與朋友交而不信乎？傳不習乎？」(論道德修養·九)
- (五) 子曰：「道千乘之國，敬事而信，節用而愛人，使民以時。」(論政治·十)
- (六) 子曰：「弟子入則孝，出則弟；謹而信，汎愛眾而親仁；行有餘力，則以學文。」(論學·五)
- (七) 子夏曰：「賢賢易色，事父母能竭其力，事君能致其身，與朋友交，言而有信。雖曰未學，吾必謂之學矣。」(論學·六)
- (八) 子曰：「君子不重則不威，學則不固。主忠信；無友不如己者；過，則勿憚改。」(論士與君子·六)
- (九) 曾子曰：「慎終追遠，民德歸厚矣！」(論孝·七)
- (十五) 子貢曰：「貧而無諂，富而無驕，何如？」子曰：「可也。未若貧而樂，富而好禮者也。」子貢曰：「詩云：『如切如磋，如琢如磨。』其斯之謂與？」子曰：「賜也，始可與言詩已矣！告諸往而知來者。」(論詩禮樂·二)

為政第二 凡二十四章 錄十三章

- (三) 子曰：「道之以政，齊之以刑，民免而無恥；道之以德，齊之以禮，有恥且格。」(論政治·一)
- (四) 子曰：「吾十有五而志於學；三十而立；四十而不惑；五十而知天命；六十而耳順；七十而從心所欲，不踰矩。」(論學·二十)
- (五) 孟懿子問孝。子曰：「無違。」樊遲御，子告之曰：「孟孫問孝於我，我對曰：『無違。』」樊遲曰：「何謂也？」子曰：「生，事之以禮；死，葬之以禮，祭之以禮。」(論孝·一)
- (六) 孟武伯問孝。子曰：「父母唯其疾之憂。」(論孝·二)
- (七) 子游問孝。子曰：「今之孝者，是謂能養。至於犬馬，皆能有養；不敬，何以別乎？」(論孝·三)
- (八) 子夏問孝。子曰：「色難！有事，弟子服其勞；有酒食，先生饌。曾是以為孝乎？」(論孝·四)
- (九) 子曰：「吾與回言終日，不違如愚。退而省其私，亦足以發，回也不愚。」(論古今人物與孔門弟子·十二)
- (十) 子曰：「視其所以，觀其所由，察其所安，人焉廋哉？人焉廋哉？」(論道德修養·十六)
- (十一) 子曰：「溫故而知新，可以為師矣。」(論學·十六)
- (十四) 子曰：「君子周而不比；小人比而不周。」(論士與君子·十一)

- (十五) 子曰：「學而不思則罔；思而不學則殆。」（論學·七）
- (十七) 子曰：「由，誨女知之乎！知之為知之，不知為不知，是知也。」（論學·九）
- (二十四) 子曰：「非其鬼而祭之，諂也。見義不為，無勇也。」（論道德修養·五）

八佾第三 凡二十六章 錄三章

- (三) 子曰：「人而不仁，如禮何？人而不仁，如樂何？」（論詩禮樂·七）
- (四) 林放問禮之本。子曰：「大哉問！禮，與其奢也，寧儉；喪，與其易也，寧戚。」（論詩禮樂·六）
- (七) 子曰：「君子無所爭，必也射乎！揖讓而升，下而飲，其爭也君子。」（論士與君子·十二）

里仁第四 凡二十六章 錄十四章

- (一) 子曰：「里仁為美。擇不處仁，焉得知？」（論仁·二）
- (二) 子曰：「不仁者，不可以久處約，不可以長處樂。仁者安仁，知者利仁。」（論仁·三）
- (五) 子曰：「富與貴，是人之所以欲也；不以其道得之，不處也。貧與賤，是人之所以惡也；不以其道得之，不去也。君子去仁，惡乎成名？君子無終食之間違仁，造次必於是，顛沛必於是。」（論仁·十六）

(八) 子曰：「朝聞道，夕死可矣。」（論道德修養·二十四）

(九) 子曰：「士志於道，而恥惡衣惡食者，未足與議也。」（論士與君子·二）

(十) 子曰：「君子之於天下也，無適也，無莫也，義之與比。」（論士與君子·十三）

(十二) 子曰：「放於利而行，多怨。」（論道德修養·十八）

(十四) 子曰：「不患無位，患所以立；不患莫己知，求為可知也。」（論道德修養·二十一）

(十五) 子曰：「參乎！吾道一以貫之。」曾子曰：「唯。」子曰：「參乎！吾道一以貫之。」曾子曰：「唯。」子曰：「夫子之道，忠恕而已矣！」（論道德修養·二十二）

(十六) 子曰：「君子喻於義，小人喻於利。」（論士與君子·四）

(十七) 子曰：「見賢思齊焉；見不賢而內自省也。」（論道德修養·八）

(十八) 子曰：「事父母，幾諫；見志不從，又敬不違；勞而不怨。」（論孝·五）

(二十二) 子曰：「古者言之不出，恥躬之不逮也。」（論道德修養·十）

(二十五) 子曰：「德不孤，必有鄰。」（論道德修養·一）

公治長第五 凡二十七章 錄九章

- (六) 子曰：「道不行，乘桴浮於海；從我者，其由與！」子路聞之喜。子曰：「由也，好勇過我，無所取材。」（論古今人物與孔門弟子·十七）
- (十三) 子路有聞，未之能行，唯恐有聞。（論古今人物與孔門弟子·十五）
- (十四) 子貢問曰：「孔文子何以謂之文也？」子曰：「敏而好學，不恥下問，是以謂之文也。」（論古今人物與孔門弟子·八）
- (十五) 子謂子產有君子之道四焉：「其行己也恭，其事上也敬，其養民也惠，其使民也義。」（論古今人物與孔門弟子·七）
- (十六) 子曰：「晏平仲善與人交，久而敬之。」（論古今人物與孔門弟子·六）
- (二十一) 子在陳曰：「歸與！歸與！吾黨之小子狂簡，斐然成章，不知所以裁之！」（論古今人物與孔門弟子·九）
- (二十二) 子曰：「伯夷、叔齊，不念舊惡，怨是用希。」（論古今人物與孔門弟子·四）
- (二十五) 顏淵、季路侍。子曰：「盍各言爾志？」子路曰：「願車、馬、衣、輕裘，與朋友共，敝之而無憾。」顏淵曰：「願無伐善，無施勞。」子路曰：「願聞子之志！」子曰：「老者安之，朋友信之，少者懷之。」（孔子的為人·一）

(二十六) 子曰：「已矣乎！吾未見能見其過而內自訟者也。」（論道德修養·六）

雍也第六 凡二十八章 錄九章

- (二) 哀公問：「弟子孰為好學？」孔子對曰：「有顏回者好學，不遷怒，不貳過，不幸短命死矣！今也則亡，未聞好學者也。」（論古今人物與孔門弟子·十三）
- (四) 子謂仲弓，曰：「犁牛之子，騂且角；雖欲勿用，山川其舍諸？」（論古今人物與孔門弟子·十九）
- (九) 子曰：「賢哉！回也。一簞食，一瓢飲，在陋巷，人不堪其憂，回也不改其樂。賢哉！回也。」（論古今人物與孔門弟子·十一）
- (十) 冉求曰：「非不說子之道，力不足也。」子曰：「力不足者，中道而廢；今女畫。」（論學·十四）
- (十六) 子曰：「質勝文則野，文勝質則史。文質彬彬，然後君子。」（論士與君子·十）
- (十八) 子曰：「知之者，不如好之者；好之者，不如樂之者。」（論學·十九）
- (十九) 子曰：「中人以上，可以語上也；中人以下，不可以語上也。」（論教育·五）
- (二十四) 宰我問曰：「仁者，雖告之曰：『井有仁焉。』其從之也？」子曰：「何為其然也？君子可逝也，不可陷也；可欺也，不可罔也。」（論士與君子·十七）

(二十八) 子貢曰：「如有博施於民，而能濟眾，何如？可謂仁乎？」子曰：「何事於仁，必也聖乎！堯、舜其猶病諸！夫仁者，己欲立而立人，己欲達而達人。能近取譬，可謂仁之方也已。」（論仁·十二）

述而第七 凡三十七章 錄十七章

(三) 子曰：「德之不脩，學之不講，聞義不能徙，不善不能改，是吾憂也。」（孔子的為人·三）

(四) 子之燕居，申申如也，夭夭如也。（孔子的為人·十三）

(五) 子曰：「甚矣，吾衰也！久矣，吾不復夢見周公。」（孔子的為人·九）

(六) 子曰：「志於道，據於德，依於仁，游於藝。」（論學·二十一）

(七) 子曰：「自行束脩以上，吾未嘗無誨焉！」（論教育·一）

(八) 子曰：「不憤不啟；不悱不發；舉一隅，不以三隅反，則不復也。」（論教育·八）

(九) 子食於有喪者之側，未嘗飽也。子於是日哭，則不歌。

（孔子的為人·十九）

(十) 子謂顏淵曰：「用之則行，舍之則藏。唯我與爾有是夫！」子路曰：「子行三軍，則誰與？」子曰：「暴虎馮河，死而無悔者，吾不與也。必也臨事而懼，好謀而成者也。」（論古今人物與孔門弟子·十四）

(十五) 子曰：「飯疏食，飲水，曲肱而枕之，樂亦在其中矣！不義而富且貴，於我如浮雲。」（孔子的為人·六）

(十八) 葉公問孔子於子路，子路不對。子曰：「女奚不曰：『其為人也，發憤忘食，樂以忘憂，不知老之將至云爾！』」（孔子的為人·七）

(二十) 子不語：怪、力、亂、神。（孔子的為人·十六）

(二十六) 子釣而不綱，弋不射宿。（孔子的為人·二十一）

(二十八) 互鄉難與言。童子見，門人惑。子曰：「與其進也，不與其退也。唯，何甚！人潔己以進，與其潔也，不保其往也。」（論教育·二）

(二十九) 子曰：「仁遠乎哉？我欲仁，斯仁至矣！」（論仁·十四）

(三十一) 子與人歌而善，必使反之，而後和之。（孔子的為人·十八）

(三十三) 子曰：「若聖與仁，則吾豈敢！抑為之不厭，誨人不倦，則可謂云爾已矣！」公西華曰：「正唯弟子不能學也！」（孔子的為人·四）

(三十七) 子溫而厲，威而不猛，恭而安。（孔子的為人·十四）

泰伯第八 凡二十一章 錄九章

(二) 子曰：「恭而無禮則勞，慎而無禮則蕙，勇而無禮則亂，直而無禮則絞。君子篤於親，則民興於仁；故舊不遺，則民不偷。」（論詩禮樂·五）

(三) 曾子有疾，召門弟子曰：「啟予足！啟予手！詩云：『戰戰兢兢，如臨深淵，如履薄冰。』而今而後，吾

知免夫！小子！」（論孝·六）

（七）曾子曰：「士不可以不弘毅，任重而道遠。仁以為己任，不亦重乎！死而後已，不亦遠乎！」（論士與君子·三）

（八）子曰：「興於詩，立於禮，成於樂。」（論詩禮樂·一）

（十四）子曰：「不在其位，不謀其政。」（論政治·六）

（十七）子曰：「學如不及，猶恐失之！」（論學·十五）

（十八）子曰：「巍巍乎，舜、禹之有天下也，而不與焉。」

（論古今人物與孔門弟子·二）

（十九）子曰：「大哉！堯之為君也。巍巍乎，唯天為大，

唯堯則之。蕩蕩乎，民無能名焉。巍巍乎，其有成功

也。煥乎，其有文章。」（論古今人物與孔門弟子·一）

（二十一）子曰：「禹，吾無閒然矣！菲飲食，而致孝乎鬼神；

惡衣服，而致美乎黻冕；卑宮室，而盡力乎溝洫。

禹，吾無閒然矣！」（論古今人物與孔門弟子·三）

子罕第九 凡三十章 錄十一章

（四）子絕四：毋意，毋必，毋固，毋我。（孔子的為人·十五）

（七）子曰：「吾有知乎哉？無知也。有鄙夫問於我，空空如也，我叩其兩端而竭焉。」（論教育·七）

（十）顏淵喟然嘆曰：「仰之彌高，鑽之彌堅，瞻之在前，忽焉在後；夫子循循然善誘人：博我以文，約我以禮，欲罷不能。既竭吾才，如有所立，卓爾，雖欲從之，末由也已！」（孔子的為人·二十二）

（十二）子貢曰：「有美玉於斯，韞匱而藏諸？求善賈而沽

諸？」子曰：「沽之哉！沽之哉！我待賈者也！」

（孔子的為人·十）

（十六）子在川上曰：「逝者如斯夫！不舍晝夜。」（論學·

十）

（十八）子曰：「譬如為山，未成一簣；止，吾止也！譬如

平地，雖覆一簣；進，吾往也！」（論學·十二）

（二十一）子曰：「苗而不秀者，有矣夫！秀而不實者，有

矣夫！」（論學·十三）

（二十二）子曰：「後生可畏，焉知來者之不如今也。

四十、五十而無聞焉，斯亦不足畏也已！」（論

學·十一）

（二十五）子曰：「三軍可奪帥也；匹夫不可奪志也。」（論

學·三）

（二十六）子曰：「衣敝緼袍，與衣狐貉者立，而不恥者，

其由也與！『不伎不求，何用不臧？』」子路終

身誦之。子曰：「是道也，何足以臧？」（論古

今人物與孔門弟子·十八）

（二十七）子曰：「歲寒，然後知松柏之後彫也。」（論士

與君子·二十二）

鄉黨第十 凡十八章 錄一章

（十二）廋焚。子退朝，曰：「傷人乎？」不問馬。（孔子的為人·二十）

先進第十一 凡二十五章 錄六章

(二) 子曰：「從我於陳、蔡者，皆不及門也。」德行：顏

淵、閔子騫、冉伯牛、仲弓；言語：宰我、子貢；政

事：冉有、季路；文學：子游、子夏。（論古今人物與

孔門弟子·十）

(四) 子曰：「孝哉！閔子騫。人不閒於其父母昆弟之言。」

（論古今人物與孔門弟子·二十）

(十一) 季路問事鬼神。子曰：「未能事人，焉能事鬼？」「敢

問死？」曰：「未知生，焉知死？」（孔子的為人·

十七）

(十六) 季氏富於周公，而求也為之聚斂而附益之。子曰：

「非吾徒也，小子鳴鼓而攻之可也！」（論政治·

十五）

(二十一) 子路問：「聞斯行諸？」子曰：「有父兄在，如之

何其聞斯行之？」冉有問：「聞斯行諸？」子曰：

「聞斯行之！」公西華曰：「由也問：『聞斯行諸？』

子曰：『有父兄在。』求也問：『聞斯行諸？』子

曰：『聞斯行之！』赤也惑，敢問？」子曰：「求

也退，故進之；由也兼人，故退之。」（論教育·六）

(二十五)

子路、曾皙、冉有、公西華侍坐。子曰：「以吾一日長乎爾，毋吾以也！居則曰：『不吾知也！』如或知爾，則何以哉？」

子路率爾而對曰：「千乘之國，攝乎大國之間，加之以師旅，因之以饑饉，由也為之，比及三年，可使有勇，且知方也。」夫子哂之。

「求，爾何如？」對曰：「方六、七十，如五、六十，求也為之，比及三年，可使足民；如其禮樂，以俟君子。」

「赤，爾何如？」對曰：「非曰能之，願學焉。宗廟之事，如會同、端章甫，願為小相焉。」

「點，爾何如？」鼓瑟希，鏗爾，舍瑟而作。對曰：「異乎三子者之撰！」子曰：「何傷乎？亦各言其志也。」曰：「莫春者，春服既成；冠者五、六人，童子六、七人，浴乎沂，風乎舞

雩，詠而歸。」夫子喟然嘆曰：「吾與點也。」三子者出，曾皙後。曾皙曰：「夫三子者之言何如？」子曰：「亦各言其志也已矣！」曰：「夫子何哂由也？」曰：「為國以禮，其言不讓，是故哂之。」「唯求則非邦也與？」「安見方六、七十，如五、六十，而非邦也者？」「唯赤則非邦也與？」「宗廟會同，非諸侯而何？赤也為之小，孰能為之大？」（孔子的為人·二）

顏淵第十二 凡二十四章 錄十一章

- (一) 顏淵問仁。子曰：「克己復禮為仁。一日克己復禮，天下歸仁焉。為仁由己，而由人乎哉？」顏淵曰：「請問其目？」子曰：「非禮勿視，非禮勿聽，非禮勿言，非禮勿動。」顏淵曰：「回雖不敏，請事斯語矣！」（論仁·六）
- (二) 仲弓問仁。子曰：「出門如見大賓，使民如承大祭。己所不欲，勿施於人。在邦無怨，在家無怨。」仲弓曰：「雍雖不敏，請事斯語矣。」（論仁·七）
- (五) 司馬牛憂曰：「人皆有兄弟，我獨亡！」子夏曰：「商聞之矣：『死生有命，富貴在天。君子敬而無失，與人恭而有禮；四海之內，皆兄弟也。』君子何患乎無兄弟也？」（論士與君子·十八）
- (七) 子貢問政。子曰：「足食，足兵，民信之矣。」子貢曰：「必不得已而去，於斯三者何先？」曰：「去兵。」子貢曰：「必不得已而去，於斯二者何先？」曰：「去食。自古皆有死，民無信不立。」（論政治·十四）
- (十一) 齊景公問政於孔子，孔子對曰：「君君；臣臣；父父；子子。」公曰：「善哉！信如君不君；臣不臣；父不父；子不子；雖有粟，吾得而食諸？」（論政治·五）
- (十二) 子曰：「片言可以折獄者，其由也與！」子路無宿諾。（論古今人物與孔門弟子·十六）

(十六) 子曰：「君子成人之美，不成人之惡；小人反是。」（論士與君子·十六）

(十九) 季康子問政於孔子曰：「如殺無道，以就有道，何如？」孔子對曰：「子為政，焉用殺？子欲善，而民善矣！君子之德，風；小人之德，草；草上之風，必偃。」（論政治·九）

(二十二) 樊遲問仁。子曰：「愛人。」問知。子曰：「知人。」樊遲未達。子曰：「舉直錯諸枉，能使枉者直。」樊遲退，見子夏，曰：「鄉也，吾見於夫子而問知，子曰：『舉直錯諸枉，能使枉者直。』何謂也？」子夏曰：「富哉言乎！舜有天下，選於眾，舉皋陶，不仁者遠矣；湯有天下，選於眾，舉伊尹，不仁者遠矣。」（論仁·八）

(二十三) 子貢問友。子曰：「忠告而善道之，不可則止，無自辱焉！」（論道德修養·十二）

(二十四) 曾子曰：「君子以文會友，以友輔仁。」（論道德修養·十三）

子路第十三 凡三十章 錄十三章

(二) 仲弓為季氏宰，問政。子曰：「先有司，赦小過，舉賢才。」曰：「焉知賢才而舉之？」曰：「舉爾所知，爾所不知，人其舍諸？」（論政治·十一）

(三) 子路問：「衛君待子而為政，子將奚先？」子曰：「必也正名乎！」子路曰：「有是哉！子之迂也！奚其正？」

子曰：「野哉，由也！君子於其所不知，蓋闕如也。名不正，則言不順；言不順，則事不成；事不成，則禮樂不興；禮樂不興，則刑罰不中；刑罰不中，則民無所措手足。故君子名之必可言也，言之必可行也。君子於其言，無所苟而已矣！」（論政治·四）

(五) 子曰：「誦詩三百，授之以政，不達；使於四方，不能專對。雖多，亦奚以為？」（論詩禮樂·四）

(六) 子曰：「其身正，不令而行；其身不正，雖令不從。」（論政治·八）

(九) 子適衛，冉有僕。子曰：「庶矣哉！」冉有曰：「既庶矣，又何加焉？」曰：「富之。」曰：「既富矣，又何加焉？」曰：「教之。」（論政治·十三）

(十六) 葉公問政。子曰：「近者說，遠者來。」（論政治·三）

(十七) 子夏為莒父宰，問政。子曰：「無欲速，無見小利。」

欲速，則不達；見小利，則大事不成。」（論政治·七）

(十九) 樊遲問仁。子曰：「居處恭，執事敬，與人忠。雖之夷狄，不可棄也。」（論仁·九）

(二十) 子貢問曰：「何如斯可謂之士矣？」子曰：「行己有恥，使於四方，不辱君命；可謂士矣。」曰：「敢問其次？」曰：「宗族稱孝焉，鄉黨稱弟焉。」曰：「敢問其次？」曰：「言必信，行必果，硜硜然，小人哉！抑亦可以為次矣。」曰：「今之從政者何如？」子曰：「噫！斗筭之人，何足算也！」（論士與君子·一）

(二十一) 子曰：「不得中行而與之，必也狂狷乎！狂者進

取，狷者有所不為也。」（論教育·三）

(二十四) 子貢問曰：「鄉人皆好之，何如？」子曰：「未

可也。」鄉人皆惡之，何如？」子曰：「未

可也。不如鄉人之善者好之，其不善者惡之。」

（論道德修養·十七）

(二十五) 子曰：「君子易事而難說也：說之不以道，不

說也；及其使人也，器之。小人難事而易說也：

說之雖不以道，說也；及其使人也，求備焉。」

（論士與君子·十五）

(二十七) 子曰：「剛、毅、木、訥，近仁。」（論仁·四）

憲問第十四 凡四十七章 錄六章

(十八) 子貢曰：「管仲非仁者與？桓公殺公子糾，不能

死，又相之。」子曰：「管仲相桓公，霸諸侯，一

匡天下，民到於今受其賜；微管仲，吾其被髮左衽

矣！豈若匹夫匹婦之為諒也，自經於溝瀆，而莫之

知也。」（論古今人物與孔門弟子·五）

(二十九) 子曰：「君子恥其言而過其行也。」（論士與君

子·二十）

(三十) 子曰：「君子道者三，我無能焉：仁者不憂，知者

不惑，勇者不懼。」子貢曰：「夫子自道也！」（孔

子的為人·五）

(三十六) 或曰：「以德報怨，何如？」子曰：「何以報德？」

以直報怨，以德報德。」(論道德修養·十九)

(三十七) 子曰：「莫我知也夫！」子貢曰：「何為其莫知子也？」子曰：「不怨天，不尤人；下學而上達。知我者，其天乎！」(孔子的為人·八)

(四十一) 子路宿於石門。晨門曰：「奚自？」子路曰：「自孔氏。」曰：「是知其不可而為之者與？」(孔子的為人·十一)

衛靈公第十五 凡四十一章 錄十五章

(一) 衛靈公問陳於孔子。孔子對曰：「俎豆之事，則嘗聞之矣；軍旅之事，未之學也。」明日遂行。在陳絕糧，從者病，莫能興。子路慍見曰：「君子亦有窮乎？」

子曰：「君子固窮，小人窮斯濫矣。」(論士與君子·二十三)

(二) 子曰：「賜也，女以予為多學而識之者與？」對曰：

「然，非與？」曰：「非也！予一以貫之。」(論學·八)

(七) 子曰：「可與言而不與之言，失人；不可與言而與之言，失言。知者不失人，亦不失言。」(論道德修養·十一)

(八) 子曰：「志士仁人，無求生以害仁，有殺身以成仁。」

(論仁·五)

(九) 子貢問為仁。子曰：「工欲善其事，必先利其器。居是

邦也，事其大夫之賢者，友其士之仁者。」(論仁·十)

(十四) 子曰：「躬自厚，而薄責於人，則遠怨矣！」(論道德修養·二十)

(十六) 子曰：「群居終日，言不及義，好行小慧，難矣哉！」(論道德修養·十四)

(十八) 子曰：「君子病無能焉，不病人之不已知也。」(論士與君子·七)

(十九) 子曰：「君子疾沒世而名不稱焉。」(論士與君子·五)

(二十二) 子曰：「君子不以言舉人，不以人廢言。」(論士與君子·十四)

(二十三) 子貢問曰：「有一言而可以終身行之者乎？」子曰：「其恕乎！己所不欲，勿施於人。」(論道德修養·二十三)

(二十六) 子曰：「巧言亂德；小不忍則亂大謀。」(論道德修養·二)

(二十九) 子曰：「過而不改，是謂過矣。」(論道德修養·七)

(三十五) 子曰：「當仁，不讓於師。」(論仁·十五)

(三十八) 子曰：「有教無類。」(論教育·四)

季氏第十六 凡十四章 錄三章

(四) 孔子曰：「益者三友，損者三友：友直，友諒，友多聞，益矣；友便辟，友善柔，友便佞，損矣。」(論道德修養·十五)

(七) 孔子曰：「君子有三戒：少之時，血氣未定，戒之在色；及其壯也，血氣方剛，戒之在鬥；及其老也，血氣既衰，戒之在得。」（論士與君子·二十一）

(九) 孔子曰：「生而知之者，上也；學而知之者，次也；困而學之，又其次也。困而不學，民斯為下矣！」（論學·四）

陽貨第十七 凡二十六章 錄十一章

(二) 子曰：「性相近也，習相遠也。」（論學·一）

(四) 子之武城，聞弦歌之聲。夫子莞爾而笑曰：「割雞焉用牛刀？」子游對曰：「昔者，偃也聞諸夫子曰：『君子學道則愛人；小人學道則易使也。』」子曰：「二三子！偃之言是也；前言戲之耳！」（論政治·二）

(六) 子張問仁於孔子。孔子曰：「能行五者於天下，為仁矣。」請問之。曰：「恭、寬、信、敏、惠。恭則不侮，寬則得眾，信則人任焉，敏則有功，惠則足以使人。」（論仁·十一）

(八) 子曰：「由也，女聞『六言六蔽』矣乎？」對曰：「未也。」居！吾語女：好仁不好學，其蔽也愚；好知不好學，其蔽也蕩；好信不好學，其蔽也賊；好直不好學，其蔽也絞；好勇不好學，其蔽也亂；好剛不好學，其蔽也狂。」（論學·二）

(九) 子曰：「小子！何莫學夫詩？詩可以興，可以觀，可以群，可以怨；邇之事父，遠之事君；多識於鳥獸草木之名。」（論詩禮樂·三）

(十一) 子曰：「禮云禮云！玉帛云乎哉？樂云樂云！鐘鼓云乎哉？」（論詩禮樂·八）

(十三) 子曰：「鄉原，德之賊也！」（論道德修養·三）

(十四) 子曰：「道聽而塗說，德之棄也！」（論道德修養·四）

(十九) 子曰：「予欲無言。」子貢曰：「子如不言，則小子何述焉？」子曰：「天何言哉！四時行焉，百物生焉，天何言哉？」（論教育·九）

(二十) 孺悲欲見孔子，孔子辭以疾。將命者出戶，取瑟而歌，使之聞之。（論教育·十）

(二十四) 子貢曰：「君子亦有惡乎？」子曰：「有惡。

惡稱人之惡者，惡居下流而訕上者，惡勇而無禮者，惡果敢而窒者。」曰：「賜也亦有惡乎？」「惡傲以為知者，惡不孫以為勇者，惡訐以為直者。」（論士與君子·十九）

微子第十八 凡十一章 錄一章

(六) 長沮、桀溺耦而耕。孔子過之，使子路問津焉。長沮曰：「夫執輿者為誰？」子路曰：「為孔丘。」曰：「是魯孔丘與？」曰：「是也。」曰：「是知津矣！」問於桀溺，桀溺曰：「子為誰？」曰：「為仲由。」曰：「是魯孔丘之徒與？」對曰：「然。」曰：「滔滔者，天下皆是也，而誰以易之？且而與其從辟人之士也，豈若從辟世之士哉？」耷而不輟。子路行以告，夫子憮然曰：「鳥獸不可與同群！吾非斯人之

徒與而誰與？天下有道，丘不與易也。」（孔子的為人，十二）

子張第十九 凡二十五章 錄六章

（五）子夏曰：「日知其所亡，月無忘其所能；可謂好學也已矣！」（論學·十七）

（六）子夏曰：「博學而篤志，切問而近思；仁在其中矣。」（論仁·十三）

（八）子夏曰：「小人之過也，必文。」（論士與君子·九）

（十）子夏曰：「君子信而後勞其民；未信，則以為厲己也。信而後諫；未信，則以為謗己也。」（論政治·十二）

（十九）孟氏使陽膚為士師。問於曾子。曾子曰：「上失其道，民散久矣！如得其情，則哀矜而勿喜。」（論政治·十六）

（二十一）子貢曰：「君子之過也，如日月之食焉。過也，人皆見之；更也，人皆仰之。」（論士與君子·八）